



**R.P. Leonardii Lessii E Societate Iesu Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censvris.
Prælectiones Theologicæ Posthvmæ**

Lessius, Leonardus

Lovanii, 1645

Art. 2. Vtrum Filius Dei assumpserit persona[m].

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

D V B I V M III.

Vtrum qualitates accidentariae possint hypostaticè assumi?

¹⁰
Accidens
separatum
potest à Deo
terminari
& susten-
tari.

R Espondeo, Non posse assumi ut faciant vñā hypostasim cum Verbo. Probabile tamen est posse à Verbo terminari & sustentari, quemodo natura substantialis terminatur. Ita Gabriel & plerique nominales dist. 1. Et ratio est, quia nulla hī cernitur implicatio: est enim Verbum diuinum intimē præsens cuius naturæ accidentiarie, & potest cius existentiam eleuare, & sumum ad se trahere, ita vt ipsi innitatur, & ab ipso pendeat. Si enim ita substancialis potest attrahere, quibus tamen naturale non est alteri vñiri, cur non etiam accidentia, quæ ex natura postulant ab alio dependere?

¹¹
Inde tamen
Deus non
diceretur
albus.

Neque ad hoc necesse est vt accidentia habeant subsistentiam substancialiem, quæ suppleatur: sufficit enim suppleri eorum inexistentiā in subiecto, & dependentiam ab eodem tamquam à termino: quod fieri poterit per diuinam personam sine vñā tamen informatione. Nam aliud est informari aliqua forma, aliud eius dependentiam & existentiam determinare; vt optimè notauit Scotus. Quod fiet vt Deus idcirco nō dicatur, v.g. albus: nam hæc denominatio sumitur à formā informante; sed dicitur subsistens in albedine. Sicut in triduomortis, Deus nō dicebatur animatus, nec anima; sed subsistens in animâ rationali.

A R T I C U L V S II.

Vtrum Filius Dei assumpserit personam?

¹²

R Espondetur Negatiuē. Filius Dei nullo modo affumpserit personam humanam. Est fide tenendum, & habetur in Concilio Tolentano VI. & XI. vtrobique cap. 1. in confessione fidi: *Verbum non personam hominis accepit, sed naturam.* Et sequitur manifestè ex dictis quæst. 2. art. 2. contra Nestorium. Si enim affumpserit personam, essent duas personæ in Christo; quod est Nestorij error. Sed est

D V B I V M I.

Vtrum per potentiam Dei absolutam, persona vel sicut natura personata possit assumi?

¹³

V Bi nota, Aliud esse assumi personam, aliud assumi naturam personatam: ad illud enim requiritur ut ipsa personalitas assumatur; ad hoc autem satis est vt assumatur natura, conservata personalitate, licet non assumptâ. Vnde suprà quæst. 3. art. 6. dictum est, Patrem posse assumere naturam humanam personatam à Filio, non assumptâ Filij personalitate.

*Implicita
personam
assumi.*

Respondeo & Dico Primo, Nullo modo fieri potest vt persona assumatur hypostaticè. Est cōmuni's Doctorum in 3. dist. 1. Ratio est, quia involuit contradictionem. Persona enim in suo formalí conceptu includit esse non in alio: nam de ratione eius est incomunicabilitas, non tantum

ea quæ opponitur communicabilitati superioris, respectu inferioris (nam hoc modo etiam natura individualia est incomunicabilis) sed etiā ea quæ opponitur communicationi, quæ fit supposito. Assumi autem, est esse in alio: ergo contradic̄tio est personam assumi. Deinde, Omnis vñio persona cum persona, tantum potest esse accidentaria, non efficiens quid vnum; vt patet ex dictis quæst. 2. art. 2.

Dico Secundò, Fieri etiam nequit vt natura retinens suam personalitatem, à diuinâ personâ assumatur, etiamsi fingamus ipsam personalitatem non assumi. Est etiam communis Doctorum in 3. dist. 1. Scoti, Durandi, Paludani, &c. & Caicani suprà quæst. 3. art. 6.

¹⁴
*Idem dic
de natura
personarum*

Probatur Primo, Quia hæc omnino videtur esse mens Conciliorum, dum definitur in Christo non esse personam creatam, & quod natura humana subsisteret subsistentia Verbi: ergo supponit fieri nullo modo posse, vt illæ duas personalitates sint simul.

Dices, Personalitas diuina excludit à naturâ humanâ propriam personalitatem creatam, si spectemus naturalem rerum conditionem; & idcirco Conclisia & Patres dicunt id fieri non posse vt simul sint; si tamen spectemus potentiam Dei absolute, id fieri posse.

¹⁵
*Objectiones
solunum*

Respondeo, Si spectemus conditionem rerum, etiam est impossibile vt natura non personata assumatur; & tamen dicitur possibile, eò quod per omnipotentiam Dei possit fieri: ergo si natura personata per eandem omnipotentiam potest assumi, hæc assumptione absolute dicitur possibilis; quod est contra Concilium. Quidquid enim in hoc mysterio dicitur possibile, vel impossibile, solum coparatione omnipotentiae diuina ita dicitur: per illam enim omnia facta sunt, quæ huius mysterii sunt propria. Ratio est, quia personalitas creata consistit in eo quod est naturam esse per se, id est, non in alio; sive sit aliquis modus positivus, sive non: hoc ipso enim quo natura rationalis existit per se nulli adhærscens, est persona: atqui natura vñita alienæ personæ, habet esse in alio; implicat autem vt vna eademque natura existat simul per se, & in alio: nam illud per se, includit intrinsecè non in alio: ergo natura creata retinens propriam personalitatem, nullo modo potest assumi; qui simul esset in alio, & non in alio. Naturæ vero assumpta ad extrinsecam personalitatem, potest vñterius ab alia persona assumi; quia non repugnat, vt eadem natura habeat duos modos inexistendi; sive vt inexistat, & sustentetur à duobus: sicut repugnat esse per se, & esse in alio. Quod patet in simili, quia non repugnat accidens vnum esse in duobus subiectis; repugnat tamen, accidens esse per se, & esse in subiecto: nam esse per se, includit esse non in subiecto.

Natura
diuina
personalitatem in Patre, & tamen vñterius potest personari & terminari in Filio: ergo etiam naturæ creatæ habenti propriam suam personalitatem, poterit hoc communicari, vt ab aliâ personalitate possit vñterius terminari.

Respondeo Negando Consequentia, Est enim *Sicut est de
dispar ratio.* Primo, Quia natura diuina est sim- *natura
creata per
sonata.* pliciter infinita: vnde potest communicari pluri- bus personis per identitatem. Secundò, Quia na- tura diuina ita est in singulis personis, vt nihilominus

48 Qu. 4. De modo unionis ex parte nat. assum. A. 2. Dub. 2. A. 3. 4. 5.

minus semper maneat per se existens, & non in alio; idque propter summam identitatem diuinitatis cum personalitatibus. Vnde unus modus essendi seu existendi per se, v. g. quem diuinitas habet in Patre, non excludit ab ea aliud modum essendi per se, scilicet eum quem eadem diuinitas habet in filio; quia duo modi essendi per se, non repugnat; sicut repugnat esse per se, & esse in alio.

D V B I V M I I.

*Vtrum si una humanitas esset in duobus locis,
(sicut modo est humanitas Christi) posset in
vno loco habere propriam personalitatem,
& in alio esse in personâ Verbi?*

16
Affirma-
tur.

1. 2. De
Perfet.
diuinis.
6. 16. 8. 11. 9.

R Espondetur hoc fieri posse; & tunc una numero natura creata existet in duabus personis; scilicet in persona propria, & aliena. Ratio est, quia tunc una natura haberet quodammodo vim duarum, non habentium inter se necessariam dependentiam; vt dictum est in Tractatu de Eucharistia. Quare ut est in uno loco, posset esse per se, & non habere unionem cum Verbo; vt autem est in alio loco, habere unionem cum Verbo. Sicut idem Christi corpus, vt est in celo, est coextensus spatio; vt autem est in Eucharistia, non est coextensus: Quod tamen ponit in ipso corpore duos modos intrinsecos omnino repugnantes respectu eiusdem existentis in eodem loco. Simili modo fieri potest per diuinam potentiam, vt una eademque anima in uno loco sit in corpore; in alio loco viuat extra corpus, per se existens.

Dices, Hoc repugnat Concilijs, & Patribus supra citatis quest. 2. art. 2. qui dicunt duas personas, alienam & propriam, non posse in unam naturam substantialiter uiiri. Respondeo Negando Assumptionem; nam ipsi loquuntur de natura humana existente tantummodo in uno loco; loquuntur enim de hoc mysterio prout recipit factum est.

ARTICVLVS III.

*Vtrum persona diuina assum-
pserit hominem?*

17
Negatur.

Probatur Primo Authoritate Felicis Papæ & Martyris; quamvis haec parum vrgeat, vt patet intuenti. Probatur Secundò Ratione. Quia homo propriè significat humanam naturam in supposito; homo enim est idem quod habens humanitatem; sicut Deus est habens Deitatem; sed Verbum non assumpit suppositum humanum: ergo non propriè dicitur quod Verbum assumpit hominem.

Notandum est, Patres & Concilia frequenter uti hac formula loquendi. Verbum assumpit hominem. Conc. Toletan. VI. in confessione fidei: Tota Trinitas operata est suscepti hominis formationem. Toletan. XI. Sola Filii persona, verum hominem sine peccato assumpit. D. Augustinus sapientissime vt lib. 13. de Trinit. cap. 17. & 18. De Agone Christiano cap. 11. Lib. 9. de ciuitate cap. 17. & alibi pasim. Cyrus in epistola ad Nestorium quæ habetur

*Verbum
imp. propriè
dicitur
assumpisse
hominem*

in tercia Synodo. Denique in hymno Ecclesiastico: Tu ad liberandum suscepturns hominem &c. Verum, haec & similia sic interpretamur, vt homo accipiat pro naturâ humanâ: vel certe vt dicatur assumpisse hominem, quia assumptione factum est, vt esset homo. Quare non recte Ludovicus Virtus in cap. 17. lib. 9. de Ciuitate reprehendit Doctores Scholasticos, quod nolint hanc propositionem in proprietate sermonis admittere; nam reuerâ iuxta proprietatem sermonis, est falsa.

Ludovicus
Virtus.

ARTICVLVS IV.

*Vtrum Filius Dei debuerit assu-
mere naturam humanam abstra-
ctam ab omnibus individuis?*

R Espondetur Negatiuè. Probatur Primo, Ex Damasceno lib. 3. de fide cap. 11. Secundò, Quia natura abstracta ab omnibus individuis, vel est idea Platonica; id est, natura per se ipsam separativâ singularibus existens; & haec non potest assumi; quia est figuratum; nulla enim est talis natura. Quod si per impossibile poneretur talis esse, non tamen esset conueniens eam assumi; tum, quia cum sit communis, existens subsistentiâ communi, non posset esse in personâ; nam contraheretur ad esse individuum; tum, quia solum habet operationes communis, quibus nec posset mereri, nec quidquam nobis prodesse: tum denique, quia non esset sensibilis; vnde non daret nobis exemplum &c. Vel haec natura abstracta, est natura humana existens in mœte diuina; id est, idea naturæ humanae; & haec non potest assumi; quia est ipse Deus, seu intellectus divina. Vel denique est natura existens obiectuè in intellectu humano: & haec etiam assumi non potest; quia eius esse, solum est intelligi. Tertiò Probatur clarius; Quia humanitas realis non existit nisi individualis, & contracta ad aliquam individuam humanitatem: ergo non potest assumi nisi vt singularis. Denique, si assumpsisset totam rationem communem humanitatis, debuisset illam assumere, vt est in omnibus hominibus; ac proinde assumpsisset omnes humanitates. Quare ridiculus est error cuiusdam Parisiensis, qui, vt fertur, docebat Christum assumpisse humanitatem in communione, vt fructus Incarnationis esset communis; nam hoc est impossibile. Fructus autem communis esse potest etiam ab uno promanet; hic enim non requiritur communitas prædicationis, sed causalitatis.

Error
Parisienſis.

ARTICVLVS V.

*Vtrum Filius Dei debuerit assu-
mere naturam humanam in
omnibus individuis?*

R Espondetur, Hoc nullo modo fuisse contestaneum. Probatur Primo authoritate Damasceni supra lib. 3. cap. 11. Secundò, Quia tunc omnes homines essent tantummodo una persona, atque adeo unus homo: quod est contra naturalem conditionem speciei humanæ, quæ in linguis

19

Negatur.